



**Ethica Amoris, Sive Theologia Sanctorum, Magni  
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Generalibus Principiis Amoris Et Morum - Prolegomena septem,  
Librosque undecim complectens

**Henricus, de Sancto Ignatio**

**Leodii, 1709**

Caput LX. Septima ratio: quia facere quod probabiliùs videtur illicitum, est  
contra legem divinæ amicitiæ, humanæque servitutis, & subjectionis ad  
Deum, tamquam supremum Dominum ac Legislatorem.

---

[urn:nbn:de:hbz:466:1-73187](https://nbn-resolving.de/urn:nbn:de:hbz:466:1-73187)

prosequendam veritatem, quantum scit & vallet, constat ex sacris Eloquii n. 425, exhibitis. Necnon ex Psal. 118. Tu mandaisti, mandata tua custodiri nimis. Siquidem ly nimis, ex communi sacrorum Interpretum sensu, designat conatum validè exquisitum & sollicitum ad conformandos omnes actus & affectus nostros veritati mandatorum Dei.

713 Quod ipsa quoque honestas, & officium boni Christiani, immo & officium boni viri id à nobis postulent, ratio est, quia est contra honestatem, sicut & contra officium boni viri, scienter & volenter à veritate divinæ legis longius recedere, propiusque ad falsitatem quam ad veritatem ipsius accedere, illud eligendo & agendo, quod cognoscimus probabilius esse, quam non esse contra veritatem divinæ legis. Est etiam contra christianam honestatem, officiumque boni Christiani, in concorrentibus salutem, & periculum animæ, minus sollicitum esse de veritate divinae legis, sive conformitate cum illa, quam de ea solliciti fuerint Gentiles, sive qui ex ipsis habitu sunt Sapientes, etiam illi, quibus veritatis inventio via est impossibilis; uti visa est Academicis, Scepticis, & Pyrrhonis. Quostamen cap. 46. demonstravimus contentos non fuisse remoti accessu, licet probabili, ad veritatem, etiam in rebus philosophicis & temporalibus, sed vel æquè proximum, seu æquè probabilem Scepticos, & Pyrrhonos requisuisse; Academicos vero proximorem, seu probabiliorrem.

714 Quod si Sectatores Academicæ Scholæ, de veritatis inventione desperabundi, tantum nihilominus tribuendum censuerunt veritati, ut non licet securos esse de qualitercumque probabili ad eam accessu, sed omni curâ & studio conandum voluerint ad eam quam proxime, & quam probabiliter fieri potest accedere. Quantò minus id licet nobis Christianis, Discipulis veritatis, & ad regnum veritatis vocatis, quorum Magister est veritas, & ad hoc misum se dicit, in testimonium perhibeat veritati, quodque per veritatem liberabit nos: (veritas liberabit vos) jubetque Patrem adorari in veritate? Si enim in Schola erroris non licuit veritatem probabilius agnitam deserere, eique falsitatem probabilius agnitam præferre: multò minus id licet in Schola veritatis. In qua sicut sistere non licet in agnita veritatis vicinia, dum ad ipsam veritatis metam pertungi potest: sic sistere non licet in agnita minori seu minus probabili veritatis vicinia, dum ad maiorem veritatis viciniam, seu maiorem probabilitatem perveniri potest. Enimvero discipulus veritatis quæcumque non debet opinionem propter opinionem, vel propter suam libertatem, vel commoditatem; sed propter veritatem. Quæ cum in una dumtaxat contradictionis parte reperi quæcumque, convincitur opinionem propter veritatem, seu veritatem ipsam non querere, qui, reliqua opinioni longè probabiliori, cognitâ ut tali,

eam sequitur & eligit, quam longè minus verisimilem cognoscit; reliqua majore viciniâ veritatis, scienter eligit maiorem viciniā falsitatis.

## C A P U T L X.

Septima ratio: quia facere quod probabilius viastur illicitum, est contra legem divinæ amicitia, humanaque servitutem, & subjectionis ad Deum, tamquam supremum Dominum ac Legislatorem.

715 PRobatur 1°. ex primo maximoque mandato, Diliges Dominum Deum tuum ex toto corde tuo, &c. Isto namque præcepto, Dei offendam cavere, mandatorumque ipsius observantiam velle præcipimus, quantum sciens & possumus, uti docet S. Thomas 2. 2. q. 23. a. 1. Atqui Dei offendam non cavit, mandatorumque observantiam non vult, quantum scit & valet, qui facit quod sibi probabilius videtur illicitum. Quia dum sciens & volens facit quod sibi probabilius videtur esse quam non esse offensa Dei, transgressioque mandatorum ipsius, sciens & volens exponit se probabiliori peticulo utriusque. Dei proinde amicitiam, mandatorumque observantiam contemnit.

2°. Deum ex toto corde diligens, mandataque ipsius toto corde servare volens, sic saltem cavere debet offendam Dei, velleque observantiam mandatorum ipsius, sicut bonus amicus in humanis cavere debet offendam amici, bonus filius offendam patris, bona uxor offendam mariti. Sed bonus amicus non est, nec bonus filius, nec bona uxor, qui vel quæ facit quod probabilius est, quam non est offensa amici, patris, mariti. Nec bonus servus & subditus, qui facit quod probabilius est, quam non est vetitum a domino & superiori suo. Nec est dominus, superior, maior, filius, amicus in humanis, qui vellet talen habere servum, subditum, uxorem, filium, amicum, cui sua amicitia, mandatorumque suorum custodia, tam parum cordi esset, ut abstinere nollet a probabili offendâ & inobedientia, cognita ut tali.

3°. non est bonus amicus, bonus filius, 717 bona uxor, bonus servus, bonus subditus, qui facit id quod cognoscit æquè probabilitate esse, quam non esse offendam amici, patris, mariti, domini, superioris. Quia agit cum dubio de offensa. Ergo non est bonus amicus, filius, &c. qui facit quod cognoscit probabilius esse, quam non esse offendam, &c. Quia agit cum plusquam dubio de offendâ.

## C A P U T L X I.

Octava ratio: quia id est etiam contra legem christiana prudentia.

718 TAmetsi id satis probatum sit cap. 57. quia tamen inde funditus evertitur principale